

# Fundargerð 984. fundar

## stjórnar Sambands íslenskra sveitarfélaga

Árið 2025, föstudaginn 12. september kl. 08:00 kom stjórn Sambands íslenskra sveitarfélaga saman til fundar og fór hann fram í gegnum fjarfundarbúnað.

Fundinn sátu: Jón Björn Hákonarson, Einar Þorsteinsson, Hildur Björnsdóttir, Hjálmar Sveinsson, Anna Sigríður Guðnadóttir, Rósa Guðbjartsdóttir, Einar Brandsson, Nanný Arna Guðmundsdóttir, Freyr Antonsson, Margrét Ólöf A. Sanders og Walter Fannar Kristjánsson.

Að auki sátu fundinn Arnar Þór Sævarsson, Inga Rún Ólafsdóttir, Valgerður Rún Benediktsdóttir, Helga María Pálsdóttir, Þórdís Sveinsdóttir, Saga Guðmundsdóttir og Valur Rafn Halldórsson, sem ritaði fundargerð.

Fundargerðin var færð í tölvu.

Þetta var tekið fyrir:

### 1. Fundargerð 983. fundar - 2509141SA

Lögð fram til kynningar fundargerð 983. fundar stjórnar Sambandsins frá 29. ágúst 2025, sem undirrituð hefur verið með rafrænum hætti.

Athygli er vakin á því að í lið 4 var bókað að áætlaður kostnaður sveitarfélaga við virðismatsvegferðina væri 40 m.kr. á ársgrunni. Jafnlaunastofa gerði ráð fyrir að kostnaðarskiptingin yrði 2/3 hjá sveitarfélögunum og 1/3 hjá ríki. Frá seinasta stjórnarfund er komið í ljós að kostnaðarskiptingin er 86% sveitarfélög og 14% ríki sem miðast við fjölda stöðugilda sem falla undir virðismatsvegferðina. Heildarkostnaður sveitarfélaga er áætlaður 88,6 m.kr. m.v. þá áætlun sem liggur fyrir. Á árinu 2025 er kostnaður sveitarfélaga um 36,9 m.kr.

### 2. Menntunar- og velferðarnefnd - 2509140SA

Lagðar fram fundargerðir 3. og 4. fundar menntunar- og velferðarnefndar Sambandsins frá 21. maí og 12. júní 2025.

### 3. Stafrænt ráð sveitarfélaga - 2509327SA

Lagðar fram fundargerðir 38. og 39. fundar stafræns ráðs sveitarfélaga frá 18. júní og 27. ágúst 2025.

### 4. Umhverfis- og innviðanefnd - 2509148SA

Lagðar fram fundargerðir 2., 3. og 4. fundar umhverfis- og innviðanefndar Sambandsins frá 3. og 24. júní og 9. september 2025.

Anna Sigríður Guðnadóttir kom inn á fundinn kl. 08:30 og Walter Kristjánsson kl. 08:35.

**5. Fyrirhugaðar breytingar á eftirliti með hollustuháttum, mengunarvörnum og matvælum - 2509059SA**

Lagt fyrir minnisblað aðalhogfræðings og yfirlögfræðings Sambandsins, dags. 9. september 2025, um fyrirhugaðar breytingar á eftirliti með hollustuháttum, mengunarvörnum og matvælum.

*Stjórn tekur undir þær áhyggjur sem komið hafa fram varðandi tilfærslu heilbrigðiseftirlits frá sveitarfélögum til stofnana ríkisins og leggur höfuðáherslu á að þétt samstarf verði haft við sveitarfélögin um næstu skref. Heilbrigðiseftirlitin sinna mikilvægu hlutverki um allt land og mikilvægt er þjónustan verði áfram aðgengileg og sérfræðistörf haldist í heimabyggð. Þá er óljóst hvernig verður staðið að þeim verkefnum sem áfram verða á hendi sveitarfélaga við þessa yfurfærslu og leggur stjórn áherslu á að þessar breytingar verði ekki til þess að auka kostnað sveitarfélaga og atvinnulífs.*

**6. Ósk um aðkomu sveitarfélaga að uppbyggingu nýrrar bálstofu - 2509044SA**

Lagt fram minnisblað framkvæmdastjóra Sambandsins, dags. 9. september 2025, um mögulega aðkomu sveitarfélaga að uppbyggingu nýrrar bálstofu.

*Stjórn felur formanni að taka samtalið áfram við ráðherra og ráðuneyti og leggja fyrir stjórn að nýju áður en afstaða verður tekin um málið hjá stjórn.*

**7. Hagsmunagæsla Sambandsins gagnvart Alþingi - 2509185SA**

Lagt fram minnisblað yfirlögfræðings Sambandsins, dags. 5. september 2025, um hagsmunagæslu Sambandsins gagnvart Alþingi þingveturinn 2024-2025.

**8. Frumvarp til fjárlaga fyrir árið 2026 og þingmálaskrá - 2509351SA**

Aðalhogfræðingur og yfirlögfræðingur fóru yfir helstu mál í frumvarpi til fjárlaga fyrir árið 2026, ásamt þingmálaskrá 157. löggjafarþings 2025-2026.

**9. Veikindarannsókn í samstarfi við Hagstofu Íslands - 2509303SA**

Lagt fram minnisblað Sambandsins, dags. 10. september 2025, um söfnun upplýsinga um veikindafjarvistir starfsfólks sveitarfélaga.

*Starfsfólki falið að vinna málið áfram og leggja kostnaðaráætlun fyrir stjórn þegar hún er klár.*

**10. Rammasamningur við STEF - 2509055SA**

Lagt fram minnisblað yfirlögfræðings Sambandsins, dags. 4. september 2025, um möguleika á heildar- eða rammasamningi við STEF.

*Stjórn samþykkir að leitað verði til sveitarfélaga um afstöðu til þess hvort Sambandið eigi að vinna að heildarsamningi við STEF fyrir hönd þeirra.*

**11. Launatöfluauki fyrir kjarasamningstímabilið 2024-2028 - 2509031SA**

Í viðauka kjarasamninga stéttarfélaga við opinbera launagreiðendur á kjarasamningstímabilinu 2024-2028 var fjallað um launatöfluauka. Fyrsta uppgjör launatöfluauka tekur gildi 1. september 2025 vegna viðmiðunartímabilsins desember 2023 til desember 2024. Niðurstöður meirihluta nefndar um launatöfluauka er að launatöfluauki virkist ekki í kjarasamningum stéttarfélaga við Samband íslenskra sveitarfélaga og

Reykjavíkurborg. Fulltrúi KÍ í nefndinni skrifaði ekki undir niðurstöðu meirihluta nefndarinnar og áskilur sér rétt að skjóta málinu fyrir Félagsdóm.

**12. Tilnefning í stjórn vinnustaðanámssjóð - 2509016SA**

Lagt fram til kynningar bréf Sambandsins til mennta- og barnamálaráðuneytisins, dags. 3. september 2025, þar sem Margrét Sigurðardóttir, sérfræðingur á kjarasviði Sambandsins og Bjarni Ómar Haraldsson, sérfræðingur á kjarasviði Sambandsins, eru tilnefnd í stjórn vinnustaðanámssjóð.

Það þeirra sem ráðherra skipar ekki verður varamaður hins.

Fundi var slitið kl. 09:45